



KEMENTERIAN EKONOMI
JABATAN PERANGKAAN MALAYSIA

KENYATAAN MEDIA

**STATISTIK PEMBINAAN SUKU TAHUNAN, MALAYSIA
SUKU PERTAMA 2026**

**Sektor pembinaan mengekalkan momentum peningkatan dengan
pertumbuhan 8.5 peratus kepada RM46.5 bilion pada suku
pertama 2026**

PUTRAJAYA, 13 MEI 2026 – Jabatan Perangkaan Malaysia (DOSM) telah menerbitkan **Statistik Pembinaan Suku Tahunan, Malaysia, Suku Pertama 2026**. Penerbitan ini memaparkan statistik nilai kerja pembinaan mengikut subsektor, pemilik projek dan lokasi projek bagi sektor Pembinaan.

Mengulas mengenai laporan prestasi terkini sektor Pembinaan, Ketua Perangkawan Malaysia, Dato' Sri Dr. Mohd Uzir Mahidin berkata, “Nilai kerja dalam sektor Pembinaan terus mencatat pengembangan yang kukuh pada suku pertama 2026, dengan pertumbuhan sebanyak 8.5 peratus (ST4 2025: 10.3%). Prestasi ini didorong terutamanya oleh pengembangan berterusan dalam subsektor Aktiviti pertukangan khas serta Bangunan bukan kediaman, yang masing-masing mencatatkan pertumbuhan dua digit sebanyak 24.6 peratus dan 12.7 peratus. Subsektor Bangunan kediaman turut merekodkan peningkatan sebanyak 6.1 peratus. Sementara itu, subsektor Kejuruteraan awam kekal positif dengan pertumbuhan marginal sebanyak 1.5 peratus.”

Ketua Perangkawan mengulas lanjut, “Daripada nilai kerja pembinaan sebanyak RM46.5 bilion yang direkodkan pada suku pertama 2026, sejumlah RM15.9 bilion atau 34.2 peratus disumbangkan oleh subsektor Kejuruteraan awam, yang didorong terutamanya oleh aktiviti Pembinaan projek utiliti (RM8.3 bilion) serta jalan raya dan landasan kereta api (RM6.1 bilion). Sementara itu, nilai kerja bagi subsektor Bangunan bukan kediaman dan Bangunan kediaman masing-masing berjumlah RM13.9 bilion (sumbangan: 29.9%) dan RM10.5 bilion (sumbangan: 22.5%). Subsektor Aktiviti pertukangan khas pula menyumbang sebanyak RM6.2 bilion (13.3%), yang sebahagian besarnya disokong oleh aktiviti Penyediaan tapak (RM1.4 bilion), manakala aktiviti Pemasangan paip, pemanasan dan penghawa dingin serta Pemasangan elektrik masing-masing merekodkan RM1.2 bilion.”

Mengulas mengenai prestasi sektor pembinaan mengikut pemilik projek, Dato' Sri Dr. Mohd Uzir Mahidin menyatakan, "Sektor swasta kekal sebagai pemacu utama pertumbuhan pada suku ini, dengan peningkatan sebanyak 13.2 peratus (ST4 2025: 8.6%) yang didorong oleh subsektor Aktiviti pertukangan khas (28.8%) dan Bangunan bukan kediaman (13.1%). Nilai kerja oleh sektor swasta berjumlah RM30.5 bilion atau 65.6 peratus daripada jumlah keseluruhan nilai kerja pembinaan. Sebaliknya, sektor awam menyumbang sebanyak RM16.0 bilion atau 34.4 peratus daripada jumlah keseluruhan kerja pembinaan yang dilaksanakan, dengan merekodkan pertumbuhan sebanyak 0.5 peratus (ST4 2025: 13.4%). Pertumbuhan ini didorong oleh subsektor Aktiviti pertukangan khas (15.0%) dan Bangunan bukan kediaman (11.0%), masing-masing berjumlah RM1.7 bilion dan RM2.5 bilion."

Sektor pembinaan mengikut negeri menunjukkan lebih daripada 50.0 peratus daripada nilai kerja pada suku pertama 2026 tertumpu di Selangor, Johor dan Wilayah Persekutuan (Kuala Lumpur, Putrajaya dan Labuan). Nilai kerja di Selangor berjumlah RM10.9 bilion atau 23.4 peratus, dengan subsektor Bangunan bukan kediaman (RM4.1 bilion) dan Kejuruteraan awam (RM2.6 bilion) menyumbang paling besar. Sementara itu, Johor menduduki tempat kedua dengan RM9.5 bilion atau 20.4 peratus, yang sebahagian besarnya disokong oleh subsektor Bangunan bukan kediaman (RM3.6 bilion). Nilai kerja pembinaan di Wilayah Persekutuan pula berjumlah RM4.8 bilion (10.3%).

Jabatan Perangkaan Malaysia (DOSM) sedang melaksanakan **Banci Ekonomi 2026 (BE2026)** dengan tema "**Data Nadi Ekonomi Rakyat**". Pelaksanaan Banci Ekonomi kali keenam ini berlangsung dari **5 Januari hingga 31 Oktober 2026**. BE2026 bertujuan untuk mengumpul data yang menyeluruh dan berstruktur daripada semua pertubuhan perniagaan berdaftar dan tidak berdaftar di Malaysia, bagi menilai prestasi, struktur serta ciri-ciri ekonomi negara secara komprehensif dan berasaskan bukti.


Malaysia buat julung kalinya telah menduduki **tangga pertama (1)** di peringkat global dalam laporan dwi-tahunan **Open Data Inventory (ODIN) 2024/25** yang dikeluarkan oleh Open Data Watch (ODW), mengatasi 197 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Dikeluarkan oleh:

PEJABAT KETUA PERANGKAWAN MALAYSIA
JABATAN PERANGKAAN MALAYSIA
13 MEI 2026


Carta 1: Nilai Kerja Pembinaan dan Perubahan Peratus, ST1 2023 - ST1 2026




Carta 2: Nilai Kerja Pembinaan dan Perubahan Peratus mengikut subsektor Bangunan kediaman, ST1 2023 - ST1 2026




Carta 3: Nilai Kerja Pembinaan dan Perubahan Peratus mengikut subsektor Bangunan bukan kediaman, ST1 2023 - ST1 2026



Carta 4: Nilai Kerja Pembinaan dan Perubahan Peratus mengikut subsektor Kejuruteraan awam, ST1 2023 - ST1 2026



**Carta 5: Nilai Kerja Pembinaan dan Perubahan Peratus mengikut subsektor
Aktiviti pertukangan khas, ST1 2023 - ST1 2026**





MINISTRY OF ECONOMY
DEPARTMENT OF STATISTICS MALAYSIA

MEDIA STATEMENT

QUARTERLY CONSTRUCTION STATISTICS, MALAYSIA FIRST QUARTER 2026

The Construction sector sustained its upward momentum with 8.5 per cent growth to RM46.5 billion in the first quarter of 2026

PUTRAJAYA, 13TH MAY 2026 – The Department of Statistics, Malaysia (DOSM) released the **Quarterly Construction Statistics, Malaysia**, First Quarter 2026. This publication presents statistics on the value of work done, project owner and the location of projects by sub-sectors within the Construction sector.

Commenting on the latest Construction sector performance report, Dato' Sri Dr. Mohd Uzir Mahidin, the Chief Statistician said, "The value of work done in the Construction sector continued its steady expansion in the first quarter of 2026, recording a growth of 8.5 per cent (Q4 2025: 10.3%). The performance was mainly driven by continued expansion in the Special trade activities and Non-residential buildings sub-sectors, which posted double digit growth of 24.6 per cent and 12.7 per cent, respectively. The Residential buildings sub-sector also registered an increase of 6.1 per cent. Meanwhile, the Civil engineering sub-sector remained positive with marginal growth of 1.5 per cent."

The Chief Statistician further elaborated, "Of the RM46.5 billion value of work done recorded in the first quarter of 2026, RM15.9 billion or 34.2 per cent was contributed by the Civil engineering sub-sector, mainly driven by the Construction of utility projects (RM8.3 billion) and roads and railways (RM6.1 billion) activities. Meanwhile, the value of work done for the Non-residential buildings and Residential buildings sub-sectors amounted to RM13.9 billion (share: 29.9%) and RM10.5 billion (share: 22.5%), respectively. The Special trade activities sub-sector contributed RM6.2 billion (13.3%), largely supported by Site preparation (RM1.4 billion), while Plumbing, heat and air-conditioning installation and Electrical installation activities both recorded RM1.2 billion."

Elaborating the Construction sector by the project owner, Dato' Sri Dr. Mohd Uzir Mahidin stated, "The private sector remained the main driver of growth in this quarter, with an increase of 13.2 per cent (Q4 2025: 8.6%) propelled by Special trade activities (28.8%) and Non-residential buildings (13.1%) sub-sectors. The value of work done by the private sector amounted to RM30.5 billion or 65.6 per cent of the total construction work done value. In contrast, the public sector contributed RM16.0 billion or 34.4 per cent of total work done, registering a growth of 0.5 per cent (Q4 2025: 13.4%). The growth was fueled by Special trade activities (15.0%) and Non-residential buildings (11.0%) sub-sectors, totalling RM1.7 billion and RM2.5 billion, respectively."

Construction sector by state showed that more than 50.0 per cent of the value of work done in the first quarter of 2026 was concentrated in Selangor, Johor and Wilayah Persekutuan (Kuala Lumpur, Putrajaya and Labuan). The value of work done in Selangor amounted to RM10.9 billion or 23.4 per cent, with the Non-residential buildings (RM4.1 billion) and Civil engineering (RM2.6 billion) sub-sectors contributing the most. Meanwhile, Johor ranked second with RM9.5 billion or 20.4 per cent, primarily supported by the Non-residential buildings sub-sector (RM3.6 billion). The value of work done in Wilayah Persekutuan stood at RM4.8 billion (10.3 per cent).

The Department of Statistics Malaysia (DOSM) is conducting the **Economic Census 2026 (BE2026)**, with themed "**Data Nadi Ekonomi Rakyat**". The sixth Economic Census, will be carried out from **5th January to 31st October 2026**. BE2026 aims to collect comprehensive and structured data from all registered and unregistered business establishments in Malaysia to assess the nation's economic performance, structure and characteristics in an evidence-based manner.

Malaysia has, for the first time, successfully secured the **top position** globally in the biennial **Open Data Inventory (ODIN) 2024/25** report released by Open Data Watch (ODW), surpassing 197 other countries. This achievement marks a significant leap from its 67th position in the ODIN 2022/23 assessment.

OpenDOSM NextGen is a medium that provides data catalogue and visualisations to facilitate users' analysis and can be accessed through <https://open.dosm.gov.my>.

Released by:

THE OFFICE OF CHIEF STATISTICIAN MALAYSIA
DEPARTMENT OF STATISTICS MALAYSIA
13 MAY 2026

Chart 1: Value of Work Done and Percentage Change, Q1 2023 - Q1 2026




Chart 2: Value of Work Done and Percentage Change by Residential buildings sub-sector, Q1 2023 - Q1 2026




Chart 3: Value of Work Done and Percentage Change by Non-residential buildings sub-sector, Q1 2023 - Q1 2026





Chart 4: Value of Work Done and Percentage Change by Civil engineering sub-sector, Q1 2023 - Q1 2026



**Chart 5: Value of Work Done and Percentage Change by
Special trade activities sub-sector, Q1 2023 - Q1 2026**

